

〔日本書紀五崇神〕五年、國內多疾疫、民有死亡者且大半矣、

十二年三月丁亥、詔朕初承天位、獲保宗廟、明有所蔽、德不能綏、是以陰陽謬錯、寒暑失序、疫病多起、百姓蒙災、然今解罪改過、敦禮神祇、亦垂教而綏荒俗、舉兵以討不服、是以官無廢事、無逸民、

〔日本書紀九欽明〕十三年十月、百濟聖明王遣西部姬氏達率奴喇斯致契等、獻釋迦佛金銅像一軀、幡蓋

若干、經論若干卷、中是日、天皇聞已歡喜踊躍、詔使者云、朕從昔以來未曾得聞如是微妙之法、然朕

不自決、乃歷問群臣曰、西蕃獻佛相貌端嚴、全未曾看、可禮以不、蘇我大臣稻目宿禰奏曰、西蕃諸國一

皆禮之、豐秋日本豈獨背也、物部大連尾輿、中臣連鎌子同奏曰、我國家之王天下者、恒以天地社稷百

八十神、春夏秋冬祭拜為事、方今改拜蕃神、恐致國神之怒、天皇曰、宜付情願、人稻目宿禰試令禮拜、大

臣跪受而忻悅、安置小墾田家、勸修出世業、為因淨捨向原家為寺、於後國行疫氣、民致天殘、久而愈多、

不能治療、物部大連尾輿、中臣連鎌子同奏曰、昔日不須臣計、致斯病死、今不遠而復、必當有慶、宜早投

棄、勸求後福、天皇曰、依奏、有司乃以佛像、流棄難波堀江、復縱火於伽藍、燒燼更無餘、

〔日本書紀二十敏達〕十四年二月壬寅、蘇我大臣馬子宿禰起塔於大野丘北、大會設齋、即以達等所獲舍利、

藏塔柱頭、辛亥、蘇我大臣患疾、問於卜者、卜者對言、祟於父時所祭佛神之心也、大臣即遣子弟奏其

占狀、詔曰、宜依卜者之言、祭祠父神、大臣奉詔、禮拜石像、乞延壽命、是時國行疫疾、民死者衆、三月丁

巳朔、物部弓削守屋大連、與中臣勝海大夫奏曰、何故不肯用臣言、自考天皇及於陛下、疫疾流行、國民

可絕、豈非專由蘇我臣之興行佛法歟、詔曰、灼然宜斷佛法、丙戌、物部弓削守屋大連、自詣於寺、踞坐

胡牀、斫倒其塔、縱火燔之、并燒佛像、與佛殿、既而取所燒餘佛像、令棄難波堀江、

〔帝王編年記九齊明〕七年、是冬疫癘多發、百姓病死過半、

〔扶桑略記五天智〕元年冬月、天下大疾、天亡之人稍及過半、時人以爲豐浦大臣○蘇我靈矣、

〔續日本紀一文武〕二年三月丁卯、越後國言、疫給藥救之、四月壬辰、近江紀伊二國疫、給醫藥療之、四